

Treoirlíne Airgeadais 2021/2022 - 24

Pobalscoileanna, Scoileanna Cuimsitheacha agus Meánscoileanna Deonacha

An Scéim um Chúiteamh CBL le haghaidh Carthanas

Tá an treoirlíne seo ag teacht in ionad threoirlíne 21-2020/2021 – An Scéim um Chúiteamh CBL le haghaidh Carthanas.

Tugadh an Scéim um Chúiteamh CBL le haghaidh Carthanas isteach i gCáinainéis 2018. Faoin scéim sin, d'fhéadfadh sé go mbeadh scoileanna in ann, mar charthanais, cuid dá gcostais CBL in 2021 a éileamh ar ais **bunaithe ar leibhéal an mhaoinithe neamhphoiblí a fuair siad**. Ní mór do scoileanna ioncam agus caiteachas ó cheaintíní agus ó shiopaí sólaistí a chur as an áireamh.

Is ar bhonn airgead tirim a fheidhmíonn an scéim. Is é sin le rá,

- Is éard is brí le hioncam a fuarthas ná airgead iarbhír a fuarthas sa bhliain féilire a mbaineann an t-éileamh léi.
- Is éard is brí le caiteachas a íocadh ná airgead iarbhír a íocadh amach sa bhliain féilire a mbaineann an t-éileamh léi.

COVID

Chun críocha na Scéime um Chúiteamh CBL le haghaidh Carthanas, ní chaitear le híocaíochtaí a fhaightear faoi TWSS ná faoi EWSS mar ioncam. Ba cheart na híocaíochtaí seo a eisiamh ó ríomh an ioncaim iomláin agus na méideanna incháilithe ioncaim le haghaidh na Scéime.

Critéir Éilimh

Aon éilimh faoin scéim don bhliain dar tús an 1 Eanáir 2021, déanfar iad in 2022 agus íocfar iad i riaráiste aon bhliana amháin.

Mar shampla, i gcás gur tháinig 70% d'ioncam iomlán scoile don bhliain 2021 ó mhaoiniú ón Stát agus go raibh 30% de ina ioncam arna fháil go príobháideach, lena n-áirítear tiomsú airgid, tabhartais agus síntiúis dheonacha, d'fhéadfadh an scoil 30% den CBL a gearradh orthu sa bhliain a éileamh ar ais. Ní ceadmhach an CBL a éileamh ach amháin ar chaiteachas a bhí chun tairbhe na scoile go díreach. Is gá don éileamh a bheith curtha isteach tráth nach déanaí ná **an 30 Meitheamh 2022**.

Beidh ciste nach mó ná €5 milliún ar fáil le haghaidh na scéime ina hiomláine in 2022. D'fhógair an rialtas i mí Dheireadh Fómhair 2021 (Cáinainéis 2022) go leanfaí leis an scéim, lena n-áirítear an méid a chuirfí ar fáil sa chiste.

I gcás go bhfuil méid iomlán na n-éileamh i mbliain ar leith níos mó ná an uasteorainn €5 mhilliún, íocfar na carthanais ar bhonn pro rata. Is é sin le rá, i gcás gurbh é €10 milliún méid iomlán na n-éileamh ó na carthanais uile in 2021, go bhfaigheadh gach carthanas 50% dá éileamh.

Ní mór do scoileanna incháilithe:

- 1. a bheith cláraithe leis an Údarás Rialála Carthanais**
- 2. a bheith cláraithe leis na Coimisinéirí Ioncaim agus díolúine chánach do charthanais (CHY) a bheith acu**
- 3. imréiteach cánach a bheith acu, agus**
- 4. a bheith in ann cuntais iniúchta a sholáthar i leith na bliana a bhfuil an t-éileamh á chur isteach ina leith.**
- 5. Ní mór duit gach leabhar, taifead agus doiciméad a bhaineann le d'éileamh a choinneáil go ceann tréimhse sé bliana.**

Chun críocha riaracháin, diúltófar d'éilimh a bhfuil luach níos lú ná **€500** i gceist leo.

Tá sonraí le fáil ag an nasc thíos faoi cén chaoi éileamh a chur isteach chuig na Coimisinéirí Ioncaim:

<https://www.revenue.ie/ga/companies-and-charities/charities-and-sports-bodies/vat-compensation-scheme/vat-compensation-scheme-for-charities/index.aspx>

Is féidir tuilleadh eolais nó soiléiriú a fháil ar aon cheann de na saincheisteanna sa treoirlíne seo ach dul i dteagmháil le FSSU.

Guthán: 01-269 0677

info@fssu.ie

An 14 Feabhra 2022